

Dadus relata 14 Outubru 2020

SUMÁRIU

- Iha loron 10 Outubru 2020, Ministériu Saúde (MS) konfirma tán kazu COVID-19 foun ida. Númeru total ba kazu COVID-19 iha rai ne'e nian sa'e ona ba 29. Pasiente ne'e iha hela kuarentena bainhira to'o hosi Kuala Lumpur no admite ba izolamentu no facilidade tratamentu iha Vera Cruz. Investigasaun no restreamentu kontaktu hala'o ona hosi ekipa vijilánsia tuir mata-dalan nasional. Informasaun detallu liu tán bele asesu iha MS nia pájina Facebook [Ministerio da Saúde](#).
- Hospital Nasionál Guido Valadares (HNGV), OMS no parseiru sira fo treinamentu ba doutór nível médiu hamutuk 18 no enfermeiru unidade kuidadu intensivu, *shock*, *sepsis*, *Arterial Blood Gas (ABGs)* mák entre aspeitu kuidadu krítikal oioin seluk. Liután, iha mós foka espesial kona-ba ventilasaun.
- UNDP suporta ona Ministériu Saúde iha prokuramentu ba ekipamentu saúde nian ba responde ba COVID-19. Ekipamentu no ferramenta sira ne'ebé inklui ventiladór, kits diagnóstiku no ekipamentu protetivu pesoál hirak ne'e fornese on aba SAMES – ajénsia autónoma sob governu ida. Prokuramentu ida ne'e mós hatudu solidariedade no kolaborasaun entre organizasaun ho espesialidade no mandatu oioin. OMS fornese mata-dalan tékniku ba identifikaun no seleksaun ekipamentu no ferramenta sira, no WFP ho sira-nia servisu aviasaun umanitária hatama ona sasaan hirak ne'e mai rai-laran.
- OMS no UNFPA iha kolaborasaun ho MS no Laboratório Nasionál de Saúde (NHL) hala'o treinamentu atualizasaun ba ekipa vijilánsia no kuarentena sob Pillar 3 ba Planu Estrategia ba Preparasaun no Responde ba COVID-19. Tópiku hirak ne'ebé kobre mák durante treinamentu inklui atualizasaun ba mata-dalan ba vijilánsia nasional, prevensaun no kontrolu ba infesaun, abilidade ba komunikasaun básiku, violénsia bazeia ba jéneru no kódigo konduta, no prosedimentu ba teste COVID-19 hosi NHL. Pesoál saúde hamutuk 80 tuir treinamentu ne'e loron-2 ne'e.
- UNICEF fornese ona suporta finanseiru ba Ministériu Saúde hodi kontinua akompañamentu Jestaun Integradu ba Moras Labarik sira nian (IMCI) hafoin remata treinamentu iha Dili, Bobonaro, Liquiça, Manatuto, viqueque no Oecusse.

SITUASAUN IHA NÚMERU

Totál no kazu (foun) iha Timor-Leste

29 konfirmadu (foun 1)

0 mate

(Bazeia ba dadus ne'ebé públika iha [Ministerio da Saúde](#))

Tuir pájina WHO Timor-Leste [Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha loron hitu nia laran

Globalmente


37 109 851 konfirmadu (2 268 892)

1 070 355 mate (39 228)

- UNICEF hala'o avaliasaun WASH ba Sentru Saúde Komunitade Atauro.
- UNICEF hala'o estudu viabilidade ba bee subterranea iha facilidade kuarentena Batugade.
- UNICEF hala'o eskopu no jestaun orsamentu ba hadi'ak WASH iha sentru saúde comunidade hamutuk 32 iha munisipiu lima; Dili, Baucau, Manatuto, Ermera, no Covalima.




Data notifikasaun kazu foun no kumulativu COVID-19 iha Timor-Leste
(14-Oct-2020 : kazu foun-0 kumulativus-29)



Source : Direcção Nacional Controlo de Doenças - Departamento Vigiância Epidemiologia

Teste Laboratoriu : COVID-19 Timor-Leste


(14-Oct-2020 : Kumulative figures)



Source : Direcção Nacional Controlo de Doenças - Departamento Vigiância Epidemiologia

Situasaun Nasional Kazu : COVID-19 Timor-Leste

(14-Oct-2020 : Kumulative figures)



Source : Direcção Nacional Controlo de Doenças - Departamento Vigiância Epidemiologia

OMS TIMOR-LESTE NIA OBJETIVU ESTRATÉJIA

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijiláncia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigoroza tebes no hasa'e kapasidade ba PKI nian;
- Identifika, izola no kuida ba pasiente; inklui fornese mós kuida óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distáncia fíziku

Mantein distáncia fíziku pelumenus metru 1 (pasu 3) distáncia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregadór kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- Taka ibun no inus bainhira me'ar
- Labele ka'er matan, inus no ibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distánsia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira presiza

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona númeru *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájina Facebook MS](#) nian fornese atualizasaun loloos kona-ba desenvolvimentu COVID-19 iha rai laran
 - OMS Timor-Leste liuhosi nia [Pájina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-